

四庫全書

集部

欽定四庫全書

姚少監詩集卷六

唐 姚合 撰

閒適時序風月六十二首

莊居即事

休看小字大書名
向日持經眼却明
時過無心求富貴
身閒不夢見公卿
因尋岳寺葦辛斷
自到王城禮數生
斜月照牀新睡覺
窻風半夜鶴來聲

金匱山房集卷六
表六
親仁里居

三年賃舍親仁里寂寞何曾似在城飲酒自緣防冷病
尋人多是為閒行軒車無路通門巷親友因詩道姓名
自別青山歸未得羨君長聽石泉聲

莊居野行

客行野田間比屋皆閉戶借問屋中人盡去作商賈官
家不稅商稅農服作苦居人盡東西道路侵墮畝採玉
上山顛探珠入水府遣兵索衣食此物同泥土古來一

人耕三人食猶饑如今千萬家無一把鋤犁我倉常空
虛我田生蒺藜上天不雨粟何由活烝黎

春日閒居

居止日蕭條庭前惟藥苗身閒眠自久眼老視還遙
簷燕酬鶯語鄰花雜絮飄客來無酒飲搔首擲空瓢

獨居

深閉柴門長

一作多

不出功夫自課少閒時翻音免問他

人字覆局

一作勢

何勞對手棋生計如雲無定所窮愁似

影巧

一作每

相隨到頭歸向

一作去

青山是塵路茫茫欲告

誰

早春閑居

寂寞日何為貧

一作閒

居春色遲驚風起庭雪寒雨長簷

漸強飲區

一作樽

中事

一作酒

嘲山世外詩此生仍且在難

與老相離

原上新居

秋來梨果熟行哭小兒饑鄰富難長往莊

一作家

貧客漸

稀借牛耕地晚賣樹納錢遲牆下當官道依前夾竹籬
將歸山

野人慣去山中住自到城來悶不勝宮樹蟬聲多却樂
侯門月色少於燈饑來惟擬重餐藥歸去還應只別僧
聞道舊溪茆屋畔春風新上數枝藤

山中述懷

為客久未歸寒山獨掩扉曉來山鳥散雨過杏花稀天
遠雲空積溪深水自微此情對春色盡醉欲忘機

偶然書懷

十年通籍入金門，自愧名微枉縉紳。
鍊得丹砂疑不食，

從茲白髮日

一作自

相親。家山迢遞歸無路，
盃酒稀疎病

到

一作在

身。漢有馮唐唐有我，
老爲郎吏更何人。

客舍有懷

旅人無事喜終日

一作夜

思悠悠。逢酒嫌盃淺，
尋書怕字

稠。貧來許錢聖夢覺，
見身愁。寂寞中林下，
餓鷹望到秋

及第後夜中書事

夜睡常驚起春光屬野夫新街添一字舊友遜前途喜
過還疑夢狂來不似儒愛花持燭看憶酒犯街沽天上
名應定人間盛更無報恩丞相閣何啻殺微軀

偶題

年年九陌看春還舊隱空勞夢寐間遲日逍遙芸草長

聖朝清淨諫臣

一作書

閒偶逢遊客同傾酒自有前騶恥

見山道侶書來相責誚朝朝欲報作

一作又

何顏

感時

憶昔未出身索寞無精神逢人話天命自賤如埃塵
君今纔出身颯爽鞍馬春逢人話天命自重如千鈞信
涉名利道舉動皆喪真君今自世情何況天下人

憶山

閒處無人到乖疎稱野情日高搔首起林下散衣行泉
引窻前過雲看石罅生別來愁欲老虛負出山名

客遊旅懷

客行無定止終日路岐間馬為賒來貴僮因借得頑詩

書愁觸雨店舍喜逢山舊業嵩陽下三年未得還

迎春

半年留醉待花開曉去迎春夜始迴風煖慢行尋曲水
天晴遠望立高臺亦知無處將詩請唯得終朝把酒催
今日柳條全弄色遊人相伴看春來

遊春十二首

正月一日後尋春更不眠自知還近僻衆說過於顛看
水寧依路登山欲到天悠悠芳思起多是晚風前

卑官長少事僻縣又無城未曉衝寒起迎春忍病行樹
枝風掉軟菜甲土浮輕好箇林間鵲今朝足喜聲

詩酒相牽引朝朝思不窮苔痕雪水裏春色竹烟中迎
雨緣池草摧花倚樹風書非名利事愛此少人同

塵中主印吏誰遣有高情趁煖簷前坐尋芳樹底行土
融凝墅色冰敗滿池聲漸覺春相泥朝來睡不輕

疎頑無異事隨例但添年舊歷藏深篋新衣薄絮綿暖
風渾酒色晴日暢琴絃同伴無辭因遊春貴在先

看春長不足豈更覺身勞寺裏花枝淨山中水色高

嫩

一作懶

雲輕似絮新草細如毛併起詩人思還應費筆毫

悠悠小縣吏顛顛入新年遠思遭詩惱閒情被酒牽戀
花林下飲愛草野中眠疎懶今成性誰人肯更憐

處處春光遍遊人亦不稀向陽傾冷酒看影試

一作著新

衣嫩樹行移長幽禽語旋飛同來皆去盡衝夜獨吟

一作作

行歸

朝朝看春色春色似相憐酒醒鶯啼裏詩成蝶舞前摘

花盈手露折竹滿庭煙親故多相笑疎狂似少年

卑官還不惡行止得逍遙晴野花侵路春陂水上橋塵埃生暖色藥草長新苗看却煙光散狂風處處飄

身被春光引經時更不歸嚼花香滿口書竹粉粘衣弄日鶯狂語迎風蝶倒飛自知疎懶性得事亦應稀

曉脫青衫出閒行氣味長一瓶春酒色數頃野花香朝

客聞應羨山僧見亦

一作似

狂不將童僕去恐謂

一作為

損

風光

賞春

閒人祇是愛春光
迎得春來喜欲狂
買酒怕遲令走馬
看花嫌遠自移牀
嬌鶯語足方離樹
戲蝶飛高始過牆
顛倒醉眠三數日
人間百事不思量

春日即事

春來眠不得
誰復念生涯
夜聽四鄰樂
朝尋九陌花
輕烟浮草色
微雨濯年華
乞假非關病
朝衣在酒家

春日江次

野步出郊齋閣行坐石臺久悲鄉路遠猶喜杏花開鷗
鷺皆飛去帆檣何處來因凝千里目落日尚徘徊

揚州春詞三首

廣陵寒食天無露復無煙煖日凝花柳春風散管絃園
林多是宅車馬少於船莫喚遊人住遊人困不眠

滿郭是春光街衢土亦香竹風輕履舄花露膩衣裳谷
鳥鳴還艷山夫到亦狂可憐遊賞地煬帝國傾亡

江北煙光裏淮南勝事多市廛持燭入鄰里漾船過有

地惟栽竹無家不養鵝
春風蕩城郭滿耳是笙歌

寒食二首

今朝一百五出戶雨初晴
舞愛雙飛蝶歌聞百轉鶯
江深青草岸花滿白雲城
為政多孱懦應無酷吏名

出城烟火少況復是今朝
閒坐將誰語臨觴只自謠
塔前春蘚徧衣上落花飄
伎樂州人戲使君心寂寥

暮春即事

窮巷少芳菲蒼苔一徑微
酒醒聞客別年長送春歸
宿

願眠雲嶠浮名繫鑠闌未因丞相庇難得脫

一作解

朝衣

春晚雨中

寂寞春將老閒人強自歡迎風鶯語溫帶雨蝶飛難傍
砌木初長眠花景漸闌臨軒平目望情思若為寬

送春

昨吟

一作迎

今復送來晚去逡巡芳盡空繁樹愁多獨病

身靜思傾酒懶閑望上樓頻為向春風道明年早報春

別春

留春不得被春欺
春若無情遣泥誰
寂寞自疑生冷病
淒涼還似別親知
隨風未辨歸何處
澆酒唯求住少時
一去近當三百日
從朝至夜是相思

夏夜

閒齋深夜靜
獨坐又閒行
密樹月籠影
疎籬水隔聲
斷猿時叫谷
棲鳥每搖檉
寂寞求名士
誰知此夕情

秋日有懷

秋來不復眠
但覺思悠然
菊色欲經露
蟲聲漸替蟬

情生酒裏心事在山邊舊里無因到西風又一年

秋夕遣懷

昨宵白露下秋氣滿山城風動衣巾脆窗虛筆墨輕臨書愛真跡避酒怕狂名祇擬隨麋鹿悠悠過一生

秋中夜坐

疎散永無事不眠常夜分月中松露滴風引鶴同聞

同衛尉崔少卿九月六日飲

酒熟菊還芳花漂盞亦香與君先一醉舉世待重陽風

色初晴利蟲聲向晚長此時如不飲心事亦應傷

九日憶硯

一作硯

山舊居

帝里閒人少誰同把酒杯硯山籬下菊今日幾枝開曉
角驚眠起秋風引病來長年歸思切更值鴈聲催

秋晚江次

蕭蕭晚景寒獨立望江壩沙渚幾行鴈風灣一隻船落
霞澄返照孤嶼隔微煙極目思無盡鄉心到眼前

除夜二首

衰殘歸未遂寂寞此宵情舊國當千里新年隔數更寒
猶近北峭風漸向東生誰見一作想長安陌晨鐘度火城
慙懃惜此夜此夜住逡巡燭盡年還別鷄鳴老更新難
聲方去疫酒色已迎春明日持盃處誰為最後人

晦日送窮三首

年年到此日漚酒拜街中萬戶千門看無人不送窮
送窮窮不去相泥欲何為今日官家宅淹留又幾時
古人皆恨別此別恨消魂只是空相送年年不出門

詠雲

靄靄紛紛不可窮
戛笙歌處盡隨龍
來依銀漢一千里
歸傍巫山十二峰
呈瑞每聞開麗色
避風仍見挂喬松
憐君翠染雙蟬鬢
鏡裏朝朝近玉容

詠雪

愁雲殘臘下陽臺
混却乾坤六出開
與月交光呈瑞色
共花爭豔傍寒梅
飛隨郢客歌聲遠
散逐宮娥舞袖迴
其那知音不相見
剡溪乘興為君來

郡中對雪

霏微著草樹漸布與階平遠近如空色飄颻無落聲飛
鷗疑翅重去馬覺蹄輕遙想故山下樵夫應滯行

對月

銀輪玉兔向東流瑩淨三更正好遊一片黑雲何處起
皂羅籠却水精毬

八月十五夜看月

亭亭千萬里三五復秋中此夕光應絕常時思不同九

霄微有露四海靜無風惆悵逡巡別誰能看碧空

賦月華臨靜夜

長空埃壒滅皎皎月華臨色正秋將半光鮮夜自深九
霄晴更徹四野氣難侵靜照遙山出孤明列宿沈高人
應不寐驚鵲復何心漏盡東方曉佳期何處尋

酬任疇協律夏中苦雨見寄

銀漢波瀾溢經旬雨未休細聽宜隔牖遠望憶高樓風
急飄還斷雲低落更稠走童驚掣電饑鳥啄浮漚絲網

張空際蛛繩續瓦溝青蛙多入戶潢潦欲勝舟雷怒疑
山破池渾似土流灰人漫讓厭水馬恣沈浮廣陌應翻
浪貧居恐作秋陽精藏不耀陰氣盛難收遠色重林暮
繁聲四壁秋望晴思見日防冷欲披裘枕潤眠還懶車
羸出轉憂散空烟漠漠迸溜竹脩脩樹暗蟬吟咽巢傾
燕語愁琴書涼簟淨燈燭夜窻幽天下那能向龍邊豈
易求濕烟凝竈額荒草覆牆頭酒思淒方罷詩情耿始
抽下牀先仗屐汲井恐飄甌危坐徒相憶佳期未有由

勞君寄新什終日不能酬


和座主相公雨中作

清氣潤華屋東風吹雨勻
花低鷺豔重竹淨覺聲真
山際凝如霧雲帟散似塵
蕭蕭下碧落點點救生民
緩灑雷霆細微沾瓦礫
新詩成難繼和造化筆通神

惡神行雨

面神扇簸惡神行
汹涌挨排白霧生
風擊水凹波撲凸
雨滌山口地嵌坑
龍噴黑氣翻騰滾
鬼掣紅光劈劃損

哮吼忽雷聲揭石滿天啾唧鬧轟轟



姚少監詩集卷六

欽定四庫全書

集部

姚少監詩集卷十七至

詳校官監察御史臣查瑩

檢討臣何思鈞覆勘

總校官編修臣王燕緒

校對官待詔臣胡士震

謄錄監生臣王志遠

欽定四庫全書

姚少監詩集卷七

唐姚合撰

題詠四十九首

題鳳翔西郭新亭

西郭塵埃外新亭制度奇地形當要處人力是閒時結

構方殊絕高低更合宜棟梁清俸買松竹遠山移佛一作

僧寺幽難敵仙家景

一作境

可追

一作遺

良功慙巧盡上客

恨逢遲雨面寒

一作清

波漲當前軟

一作嫩

柳垂清虛宜月

入涼冷勝風吹宴賞軍容靜登臨樂妓隨魚龍聽絃管

鳬鶴識旌旗泛鷁春流濶飛觴白日敲閒花

一作雲

長在

戶嫩蘚乍緣墀永望情無極頻來困不辭雲峰晴轉出

一作翠

煙樹曉逾滋向野惟貪靜臨空遽覺危行人如不

到遊樂更何為

一作遊樂信虛為

題金州西園九首

江榭

亭亭白雲榭下有清江流見江不得親不如波上鷗有
榭江可見無榭無雙眸

藥堂

僮僕不到闕雙扉常自關四壁畫遠水堂前聳秋山時
聞有仙鼠竊藥簷隙間

草閣

編草覆柏棂軒扉皆竹織閣成似僧居學僧居未得有
時公府勞還復來此息

松壇

盤盤松上蓋下覆青石壇月中零露垂日出露尚溥山
翁稱絕境海嶠無所觀

夢徑

藥院徑亦高往來踏夢影方當繁暑日草屨微微冷愛
此不能行折薪坐煎茗

垣竹

種竹愛庭際亦以資玩賞窮秋雨蕭條但見牆垣長宣

尼高數仞固應非土壤

石庭

布石滿山庭磷磷潔還清幽人常履此月下屐齒鳴藥
草枝葉動似向山中生

莓苔

茅堂堦豈高數寸是苔蘚只恐秋雨中窻戶亦不濺眼
前無此物我情何由遣

芭蕉屏

芭蕉叢叢生月照參差影數葉大如牆作我門之屏稍
稍聞見稀耳目得安靜

杏溪十首

杏溪

桃花四散飛桃子壓枝垂寂寂青陰裏幽人舉步遲慙
慙念此徑我去復來誰

蓮塘

方塘菡萏高繁豔相照耀幽人夜眠起忽疑野中燒曉

尋不知休白石岸亦峭

架水藤

濛濛紫花藤下復清溪水
若遣隨波流不如風飄起
風飄或近堤隨波千萬里

石潭

曉向潭上行夕就潭邊宿
清冷無波瀾
澈澈魚相逐
釣翁坐不起見我往來熟

溪路

此路何瀟洒永無公卿跡日日多往來藜杖與桑屐路
邊何所有磊磊青淥石

望江峯

念昔有此峰在彼江陵先舉世未能知愚亦望同賢我
來心益悶欲上天公賤

杏水

不與江水接自出林中央穿花復遠水一山聞杏香我
來持茗甌日屢此來嘗

渚上竹

葉葉新春筠下復清淺流微風屢此來決決復脩脩詩
人月下吟月墮吟不休

楓林堰

森森楓樹林護此石門堰杏隄數里餘楓影覆亦徧鷓
鴒與釣童質異同所願

石瀨

散漫復潺湲半沙半和石清風波亦無歷歷魚可擲我

金定四庫全書
來亦屢久歸路常日夕

陝下厲玄侍御宅五題

濯纓溪

舊山寧要去此有濯纓泉曉景松枝覆秋光月色連行
尋屐齒盡坐對角巾偏寂寂幽棲處無妨請俸錢

垂釣亭

由釣起茅亭柴扉復竹楹波清見絲影坐久識魚情白
鳥依窻宿青蒲傍砌生欲同漁父舍須自減逢迎

吟詩島

幽島蘚層層詩人日日登坐危石是榻吟冷唾成冰靜

對唯秋水同來只

一作但

老僧竹

一作松

枝題字處小篆復

誰能

竹裏徑

微徑嬋娟裏唯聞靜者知跡深苔長處步狹笋生時高
是連幽樹窮應到曲池紗巾靈壽杖行樂復相宜

泛觴泉

金匱山房集卷七
不上酒家樓池邊日獻酬杯來轉已字客坐遶方流
滴苔紋斷泉連石岼秋若能山下置歲晚願同遊

題僧院引泉

泉眼高千尺山僧取得歸架空橫竹引鑿石透渠飛
洗藥溪流濁澆花雨力微朝昏長遶看護惜似持衣

題家園新池

數日自穿池引泉來近陂尋渠通咽處遶岸待清時
深好求魚養閒堪與鶴期幽聲聽難盡入夜睡常遲

詠盆池

浮萍重疊水團圓
客遶千遭屐齒痕
莫驚池裏尋常滿
一井清泉是上源

買太湖石

我嘗遊太湖愛石青
嵯峨波瀾取不得
自後長咨嗟
竒哉賣石翁
不傍豪貴家
負石聽苦吟
雖貧亦來過
貴我辨識精
取價復不多
比之昔所見
珍怪頗更加
背面淙注痕
孔隙若琢磨
水稱至柔物
湖乃生壯波
或云此天

生嵌空亦非他氣質偶不合如地生江河置之書房前
曉霧常紛羅碧光入四鄰牆壁難蔽遮客來謂我宅忽
若巖之阿

天竺寺殿前立石

補天殘片女媧拋撲落禪門壓地坳霹靂劃深龍舊攫
屈槃痕淺虎新抓苔粘月眼風挑剔塵結雲頭雨磕敲
秋至莫言長屹立春來自有薜蘿交

杭州觀潮

樓有章亭號濤來自古今勢連滄海濶色比白雲深
怒雪驅寒氣狂雷散大音浪高風更起波急石難沈
鳥懼多遙過龍驚不敢吟坳如開玉穴危似走瓊岑
但褫千人魄那知伍相心岸摧連古道洲漲踣叢林
跳沫山皆濕當江日半陰天然與禹鑿此理遣誰尋

題李頻新居

賃居求賤處深僻任人嫌
蓋地花如綉當門竹勝簾
勸僧嘗藥酒教僕辨一作認書
簽庭際山宜小休令着石添

寄題縱上人院

營營是與非前樂後還悲今世已如此他生願似師
禪房空旦暮畫壁半陳隋逶迤徑一作竹蒼苔跡幽人來是誰

題山寺

千重山崦裏樓閣影參差未暇尋僧院先看置寺碑
竹深行漸暗石穩坐多時古蟠蟲蛇善陰廊鳥雀癡雲開
上界近泉落下方遲為愛青桐葉因題滿樹詩

題貞女祠

此女骨為土貞名不可移精靈闕何處蘋藻奠空祠水
石生異狀杉松無病枝我來方謝雨延滯失歸期

題刑部馬員外修行里南街新居

帝里誰無宅青山祇屬君閒憲連竹色幽砌上苔文遠
近高低樹東西南北雲朝朝常獨見免被四鄰分

題郭侍郎親仁里幽居

入門塵外思苔徑藥苗間洞裏應生玉庭前自有山帝
城唯此靜朝客更誰閒野鶴松中語時時去復還

題宣義池亭

春入池亭好風光煖更鮮尋芳行不困逐勝坐還遷細

草亂如髮幽禽鳴似絃苔文翻古篆

一作畫

石色學秋天

花落能漂酒萍開解避船暫來還差

一作猶愈

疾久住合成

仙迸笋堵堦起垂藤壓樹偏此生應借看自計

一作謂

買

無錢

題薛十二池亭

每日樹邊消一日遶池行過又須行異花多是非時有

好竹皆當要處生，斜立小橋看島勢。
遠移幽石作泉聲，浮萍著岸風吹散。
水面無塵晚更清。

題大理崔少卿駙馬林亭

每來歸意懶都尉，似山人臺榭。
栖一作停雙鷺，松篁隔四

鄰。送泉清勝雨深洞，暖如春。
更看題詩處，前軒粉壁新。

題杭州南亭

舊隱即雲林，思歸日日深。
如今來此地，無復有前心。
古石生靈草，長松栖異禽。
暮潮簷下過，濺浪濕衣襟。

題鄭

一作崔

駙馬林亭

東園連宅起勝事與心期幽洞自生樂新篁迸入池密
林行不盡芳草坐難移石翠疑無質鶯歌似有詞莎臺
高出樹蘚壁淨題詩我獨多來賞九衢人不知

題厲玄侍御所居

幽棲一畝宮清峭似山峰鄰里不通徑俸錢唯買松野
人時寄宿谷鳥自相逢朝路牀前是誰知曉起慵

題田將軍宅

焚香書院最風流
莎草綠牆綠蘚秋
近砌別穿澆藥井
臨街新起看山樓
棲禽戀竹明猶在
閨客觀花夜未休
好是暗移城裏宅
清涼渾得似江頭

題崔駙馬宅

心在林泉身在城
鳳凰樓下得閒名
洞中見鑿尋仙路
月裏猶燒煮藥鐺
數樹異花皆救賜
並竿脩竹自天生
詩人多說離君宅
不得青苔地上行

題河上亭

金少曰月
卷七
亭亭河上亭魚躑水禽鳴九曲何時盡千峰今日清晨
光秋更遠暑氣夏常輕
盃裏移檣影琴中有浪聲
岼莎連砌靜漁火入窻明
來此多沈醉神高無宿醒

題長安薛員外水閣

亭亭新閣成風景益鮮明
石盡太湖色水多湘渚聲
翠筠和粉長零露逐荷傾
時倚高窻望幽尋小徑行
林疎看鳥語池近識魚情
政暇招閒客唯將酒送迎

題梁國公主池亭

平陽池館枕秦川，門鎖南山一帶烟。
素柰花開西子面，綠榆枝種沈郎錢。
簾玳瑁隨風落，庭岼鷓鴣趁煖眠。
寂寞空餘歌舞地，玉簫驚起鳳歸天。

寄題尉遲少卿郊居

卿仕在關東，隣居思不窮。
朝衣掛壁上，廢馬放田中。
隅坐惟禪子，隨行只藥童。
砌莎留宿露，庭竹出清風。
濃翠生苔點，辛香發桂叢。
蓮池伊水入，石徑遠山通。
愚者心還靜，高人跡自同。
無能相近住，終日羨鄰翁。

姚少監詩集卷七

欽定四庫全書

姚少監詩集卷八

唐 姚合 撰

遊覽宴集五十首

過張邯鄲莊

客行長似病煩熱
東四肢到君讀書堂
忽若逢良醫堂
前水交流堂下樹
交枝兩門延風涼
洗我昏濁肌與子
還往熟坐臥恣所
宜時時相獻酬
文字當酒卮
野飯具

藜藿永日亦不饑苟食非其所鱠炙為疾藜時清士人
閒耕作唯文詞豈獨鄉里薦當取四海知

過楊處士幽居

引水穿風竹幽聲勝遠溪裁衣延野客剪翅養山雞酒
熟聽琴酌詩成削樹題惟愁春氣暖松下雪和泥

過李處士山居

閒居晝掩扉門柳蔭蔬畦因病方收藥尋僧始度溪少
逢人到戶時有燕銜泥蕭灑身無事名高孰與齊

過無可僧院

憶師眠復起永夜思迢迢月下門方掩林中寺更遙鐘聲空下界池色在清宵終擬修禪觀窻間卷欲燒

過稠上人院

清羸一飯師閒院亦披衣應詔常翻譯修心出是非雪中疏磬度林際晚風歸蔬食常來此人間護淨稀

過不疑上人院

九經通大義

一作通經又議經

內典自應精簾冷連松影苔

深減履聲相逢幸此日相失一作識恐來生覺路何門去
師須引我行

過雲花寶上人院

九陌最幽寺吾師院復深
烟霜同覆屋松竹雜成林
鳥語境彌寂客來機自沈
早知能到此應不戴朝簪

過杜氏江亭

上國千餘里逢春且勝遊
暫聞新鳥戲似解旅人愁
野色吞山盡江烟襯水流
村醪須一醉無恨滯行舟

過張雲舉院宿

不喫胡麻飯杯中自得仙
隔離招好客掃室致芳筵
家醞香醪嫩時新異果鮮
夜深唯畏曉坐穩豈思眠
恭罷嫌無敵詩成貴在前
明朝題壁上誰得衆人傳

過欽上人院

有相無相身唯師說始真
脩篁半庭影清磬幾僧鄰
古壁丹青落虛簷鳥雀馴
伊余求了義羸馬往來頻
過無可上人院

金少隱詩集 卷八
寥寥聽不盡孤磬與疎鐘煩惱師長別清涼我暫逢蟻
行經古蘚鶴毳落深松自想歸時路塵埃復幾重

過城南僧院

寺對遠山起幽居仍是師斜陽通暗隙殘雪落疎籬松
靜鶴棲定廊虛鐘盡遲朝朝趨府吏來此是相宜

過靈泉寺

偶尋靈跡去幽徑入氤氛轉壑驚飛鳥穿山踏亂雲水
從巖下落溪向寺前分釋子遊何處空堂日漸曛

過天津橋晴望

閒立津橋上寒光動遠林
皇宮對嵩頂清洛貫城心
雪路初晴出人家向晚深
自從王在鎬天寶至如今

春日遊慈恩寺

年長歸何處青山未有家
賞春無酒飲多看寺中花

遊天台上方

曉上上方高處立路人羨我此時身
白雲向我頭上過
我更羨他雲路人

遊終南山

策杖度溪橋雲深步數勞青猿吟嶺際白鶴坐松梢天外浮烟遠山根野水交自緣名利繫好此結蓬茆

遊杏溪蘭若

踏得度溪灣晨遊暮不還月明松影路春滿杏花山戲犬跳林末高僧住石間未肯離腰組來此復何顏

遊謝公亭

行行方避夢又到謝亭來舉世皆如此伊余何處迴竹

鮮多透石泉潔亦無苔坐與僧同語誰能顧酒杯

遊陽河岾

終日遊山困今朝始傍河尋芳愁路盡逢景畏人多鳥
語催沽酒魚來已聽歌醉時眠石上肢體自婆娑

遊河橋曉望

閒上津橋立天涯一望間秋風波上岸旭日氣連山偶
聖今方變朝宗豈復還崑崙在蕃界作將亦何顏

作出界

一作激

秋夜月中登天壇

秋蟾流異彩，齋潔上壇行。
天迴星辰大，山深世界清。
仙飈石上起，海日夜中明。
何計長來此，閒眠過一生。

遊昊天玄都觀

性同相見易，紫府共閒行。
陰徑紅桃落，秋壇白石生。
蘚文連竹色，鶴語應松聲。
風定藥香細，樹深泉氣清。
垂簷靈草影，遶壁古山名。
園外坊無禁，歸時踏月明。

同裴起居厲侍御放朝遊曲江

暑月放朝頻青槐路絕塵雨晴江色出風動一作度草香
新獨立分幽島同行得靜人此歡宜稍滯此去與誰親

曉望華清宮

曉看樓殿更鮮明遙隔朱欄見鹿行武帝自知身不死
教修玉殿號長生

夏日登樓晚望

避暑高樓上平蕪望不窮鳥穿山色去人歇樹陰中數
帶長河水千條弱柳風暗思多少事懶話與芝翁

霽後登樓

高樓初霽後遠望思無窮
雨洗青山淨春蒸大野融
碧池舒煖景弱柳韡和風
為有登臨興獨吟落照中

早夏郡樓宴集

官散有閒情登樓步稍輕
窻雲帶雨氣林鳥雜人聲
曉日襟前度微風酒上生
城中會難得掃壁各書名

夜宴太僕田卿宅

故人九寺長邀我此同歡
永夜開筵靜中年飲酒難微

風侵燭影疊漏過林端臘後分朝日天明幾刻殘

春日同會衛尉崔少卿宅

詩家會詩客池閣曉初晴鳥盡山中語琴多譜外聲映
花相勸酒入洞各題名疎野常如此誰人信在城

軍城夜會

軍城夜禁樂飲酒每題詩坐穩吟難盡寒多醉較遲遠
鐘經一作漏壓微月被燈欺此會誠堪惜天明是別離

晦日宴劉值錄事宅

金史卷八十八
卷八
花落鶯飛深院靜滿堂賓客盡詩人城中盃酒家家有
唯是君家酒送春

宴光祿田卿宅

竹裏開華館珍羞次第嘗春風酒影動晴日樂聲長久
坐難辭醉衰年亦暫狂慙慙還繼燭永夕夢相妨

會將作崔監東園

牆北走紅塵牆東接

一作飛

白雲山光衣上見藥氣酒中

聞此會誠堪惜窮秋日又曛人間唯有醉醉後復何云

同諸公會太府韓卿宅

九寺名卿才思雄邀歡筆下與盃中六街鼓絕塵埃息
四座筵開語笑同燄燄蘭缸明狹室丁丁玉漏發深宮
即聽鷄唱天門曉吏事相牽西復東

乞酒

聞君有美酒與我正相宜溢甌清如水粘盃半似脂豈
唯消舊病且要引新詩況此便便腹無非是滿卮

寄衛拾遺乞酒

老人罷卮酒不醉已經年自飲君家酒一盃三日眠味
輕花上露色似洞中泉莫厭時時寄須知法未傳

乞新茶

嫩綠微黃碧澗春採時聞道斷葷辛不將錢買將詩乞
借問山翁有幾人

西掖寓直春曉聞殘漏

直廬仙掖近春氣曙猶寒隱隱銀河在丁丁玉漏殘微
風飄更切萬籟雜應難鳳閣明初啓雞人唱漸闌靜宜

來禁裏清是下雲端我識朝天路從容自整冠

杭州郡齋南亭

符印懸腰下東山不得歸獨行南北近漸老往還稀
迸筍侵窻長驚蟬出樹飛田田池上葉嘗是使君衣

郡中西園

西園春欲盡芳草徑難分靜語唯幽鳥閒眠獨使君
密林生雨氣古石帶潮文雖去清秋遠朝朝見白雲

杭州官舍偶書

錢塘刺史漫題詩貧病無恩懦少威春盡酒盃花影在
潮迴畫檻水聲微閒吟山際邀僧上暮入林中看鶴歸
無術理人人自理朝朝漸覺簿書稀

省直書事

默默滄江老官分右掖榮立朝班近殿奏直上知名曉
霧和香氣晴樓下樂聲蜀牋金屑膩月兔筆毫精禁樹
非烟復宮牆瑞草生露盤秋更出玉漏晝還清碧蘚無
塵染寒蟬似鳥鳴竹深雲自宿天近日先明屏懦難封

詔疎愚但擲觥素食終日足寧免衆人輕

杭州官舍即事

臨江府署清閒坐

一作臥

復閒行苔蘚疎塵色梧桐出雨

聲漸除

一作知

身外事暗作道家名更喜仙山近庭前樂

自生

假日書事呈院中司徒

十日公府靜巾櫛起清晨寒蟬近衰柳古木似高人學
佛寧憂老為儒自喜貧海山歸未得芝朮夢中春

書縣丞舊廳

宮殿

樓閣一作

半山上人家向下居古廳眠易魘老吏語多

虛雨水澆荒竹溪沙擁廢渠聖朝收外府皆是九天除

縣中秋宿

鼓絕門方掩蕭條作吏心露垂庭際草螢照竹間禽
碁罷嫌無月眠遲聽盡碁還知未離此時復更相尋

夏夜宿江驛

竹屋臨江岫清宵興自長夜深傾北斗葉落映橫塘渚

聞漁歌響風和角糴香却愁南去棹早晚到瀟湘

陝城卽事

左右分京闕黃河與宅連何功來此地竊位已經年天下才彌小關中鎮最先隴山望可見惆悵是窮邊

姚少監詩集卷八

欽定四庫全書

姚少監詩集卷九

唐姚合撰

和答酬謝五十七首

和東都令狐留守相公

除官東守洛陽宮恩比藩方任更雄拜表出時傳七刻
排班衙日有三公旌旗嚴重臨關外庭宇清深接禁中
三十六峰詩酒思朝朝間望與誰同

和高諫議蒙兼賓客時入翰苑

兼秩恩歸第一流時尋仙路向瀛洲鐘聲迢遞銀河在
林色葱龍玉露秋紫殿講筵鄰御座青宮賓榻入龍樓
從來共結歸山侶今日多應獨自休

和盧給事酬裴員外

南山雪色徹皇州鐘鼓聲交曉氣浮鴛鴦簪裾上龍尾
蓬萊宮殿壓鼇頭夕郎夜直吟仙掖天樂和聲下禁樓
贈答詩成才思敵病夫欲和幾朝愁

和裴結端公早朝

魚鑰千門啓雞人唱曉傳冕旒臨玉殿丞相入鑪烟列

位同居左分行忝在前

給事中與侍御史班同行在東
給事中立在臺官前故有此句

仰聞天語近俯拜珮聲連綵仗祥光動彤庭霽色鮮威
儀誰可紀柱史有新篇

和門下李相餞西蜀相公

聖朝同舜日作相有夔龍理化知無外蒸黎盡可封燮
和皆達識出入並登庸武騎增餘勇儒冠貴所從贈詩

全六義出鎮越千峰連日陳天樂芳筵疊酒鍾烏臺情

已洽鳳閣分彌濃

元和十四年崔相公與門下相公連御史臺今又在中書矣

棧轉

旌搖水崖高馬踏松恩深施遠俗化美見前蹤

太和四年門下

相公出鎮至今西蜀理化清淨民俗歌謠不絕

江曉流巴字山晴聳劍峰雙油

擁上宰四海羨臨邛先路聲華遠離京詔旨重歲除

今向盡春色即相逢嫩葉抽頽藥新苔長翠茸水銷

魚潏潏林煖鳥嚙嚙泉落聞難盡花開看不供青城

方眷戀黃閣竟從容計日歸台席還聽長樂鐘

和座主相公西亭秋日即事

西亭秋望好寧要更垂簾夫子牆還峻鄴侯宅過謙微
風紅葉下新雨綠苔黏意外松初長欄中藥旋添海圖
裝玉軸書目記牙籤竹色晴連地山光遠入簷酒濃盃
稍重詩冷語多尖屬和才雖淺題高免客嫌

和秘書崔少監春日遊青龍寺僧院

官清書府足閒時曉起攀花折柳枝九陌城中尋不盡
千峰寺裏看相宜高人酒味多和藥自古風光只屬詩

見說往來多靜者未知前日更逢誰

和李紳助教不赴看花

笑辭聘禮深坊住門館長閒似退

野一作

居太學官資清

品秩高人公事說經書年華未是登朝晚春色何因向
酒疎且看牡丹吟麗句不知此外復何如

和李十二舍人冬至日

獻壽人皆慶南山復北堂從今千萬日此日又初長

和裴令公新城綠野堂即事

結構立嘉名軒窗四面明丘牆高莫比蕭宅僻還清池
際龜潛戲庭前藥旋生樹深簷稍邃石峭徑難平道曠
襟情遠神閒視聽精古今功獨出大小隱俱成曙雨新
苔色秋風長桂聲携詩就竹寫取酒對花傾古寺招僧
飯方塘看鶴行人間無此貴半仗暮歸城

和厲玄侍御題戶部李相公廬山西林草堂

茆屋臨江起登庸復應期遙知歸去日自致太平時幽
藥禪僧護高窻宿鳥窺行人盡歌詠唯子獨能詩

和鄭相演楊尚書蜀中唱和詩

天福坤維厚忠賢擁節旄江同渭濱遠山似巖高元
氣符才格文星照筆毫五言全麗則六義出風騷聖日
麻雙下洪爐柄共操寵榮連雨露先後比蕭曹唱絕時
難和吟多客詎勞四方雖紙貴誰怕費錢刀

和戶部侍郎省中晚歸

寒日南宮晚閒吟半醉歸位高行路靜詩好和人稀古
樹苔文匝遙峰雪色微寧知逢彩筆寂寞有光輝

和元八郎中秋居

聖代無為化郎中似散仙
晚眠隨客醉夜坐學僧禪
酒用林花釀茶將野水煎
人生知此味獨恨少因緣

和李十二舍人裴四二舍人
兩閣老酬白少傅見寄

罷草王言星歲久嵩高山色日相親
蕭條兩夜吟連曉
撩亂花時看盡春
此世逍遙應獨得
古來閒散有誰鄰
林中長老呼居士
天下書生仰達人
酒挈數瓶杯亦濶

詩成千首語皆新
綸闈並命誠宜賀
不念衰年寄上頻
和劉禹錫主客冬初拜表懷上都故人

九陌喧喧騎吏催
百官拜表禁城開
林疎曉日明紅葉
塵靜寒霜覆綠苔
玉佩聲微班始定
金函光動按初來
此時共想朝天客
謝食方從閣裏迴

和太僕田卿酬殷堯藩侍御見寄

往還知分熟
酬贈思同新
嗜飲殷偏逸
閒吟卿亦貧
古苔寒更翠
修竹靜無鄰
促席燈浮酒
聽鴻霜滿身
淺才

唯是我高論更何人攜手宜相訪窮行少路塵

和膳部李郎中秋夕

浙浙復修修涼風似水流此生難免老舉世大同愁螢
影明苔蘚鴻鵠聲傍斗牛猶分省署直何日是歸休

和前吏部韓侍郎夜泛南溪

辭得官來疾漸平世間難有此高情新秋月滿南溪裏
引客乘船處處行

和王郎中題華州李中丞廳

蓮華峰下郡齋前
遶砌穿池貯瀑泉
君到亦應聞不得
主人草聖復詩仙

和厲玄侍御無可上人會宿見寄

九衢難會宿
況復是寒天
朝客清貧老
林僧默悟禪
眠遲消漏水
吟苦墮寒涎
異日來尋我
滄江有釣船

和令狐六員外直夜即事寄上相公

霜臺同處軒窗接
粉署先登語笑疎
皓月滿簾聽玉漏
紫泥盈手發天書
吟詩清美一作冷
招閒客對酒逍遙卧

直廬榮貴人間難有比相公離此十年餘

答孟侍御早朝見寄

河傾月向西九陌鼓聲齊塵靜霜華遠烟生曙色低禁
門人已度宮樹鳥猶栖疎懶勞相問登山有舊梯

和友人新居園上

新居多野思不似在京城牆上雲相壓庭前竹亂生尋
師望樂力依譜上琴聲好色中秋夜無塵有月明

和裴令公遊南莊憶白二十韋七二賓客

四郊初雨歇高樹滴猶殘池滿紅蓮濕雲收綠野寬花
開半山曉竹動數村寒關雀翻衣袂驚魚觸釣竿樽前
多野客膝下盡郎官斷石通泉脉移松出藥欄關東分
務重天下比功難半醉思韋白題詩染彩翰

和李舍人秋日卧疾言懷

閒臥襟情遠西風菊漸芳虛窻通曉景珍簟卷秋光果
墜青莎徑塵離綠蘚牆藥奩開淨室書閣出叢篁對酒
吟難盡思山夢稍長王言生彩筆朝服惹鑪香松影幽

連砌蟲聲冷到牀詩成誰敢和清思若懷霜

和李十二舍人直日放朝對雪

今朝街鼓何人聽朝客開門對雪眠
豈比直廬丹禁裏九重天近色彌鮮

答李頻秀才

一年離九陌壁上掛朝袍物外詩情遠
人間酒味高思歸知病長失寢覺神勞
衰老無多思因君把筆毫

答胡遇

金史四庫全書
卷九
一會一分離貧遊少定期酒多為客穩米貴入城遲晴
日偷將睡秋山乞與詩縱然眉得展不似見君時

答友人招遊

不來知盡怪失意懶春遊聞鳥寧驚夢看花怕引愁
賭棊招敵手沽酒自扶頭何似華筵上推辭候到籌

答竇知言

冬日易慘惡暴風拔山根塵沙落黃河濁波如地翻
飛鳥皆束翼居人不開門獨我赴省期冒此馳轂轅
陝城

城西邊逢子亦且奔所趨事一心相見如弟兄
我慘得子舒我寒得子溫同行十日程
僮僕性亦敦到京人事多日無閒精魂念子珍
重我吐辭發蒙昏反覆千萬意一百六十言
格高思清冷山低濟渾渾嘗聞朋友惠贈言
始為恩金玉日消費好句長存存倒篋別收貯
不與俗士論每當清夜吟使我如哀猿

酬田就

閒居多僻靜猶恐道相違只是夜深坐那堪
春未歸嫩

苔粘野色香絮撲人衣縱有野僧到終朝不話非

酬禮部李員外見寄

本求仙郡是閒居豈向郎官更有書溪石誰思玉匠愛
烟鴻願與弋人疎自來江上眠方穩舊在城中病悉除
唯見君詩難便捨寒宵吟到曉更初

酬令狐郎中見寄

昨是兒童今是翁人間日月急一作疾如風常聞欲向滄

江去除我無人與子同

酬李廓精舍南臺望月見寄

看月空門裏詩家境有餘
露寒僧梵出林靜鳥巢疎
遠色當秋半清光勝夜初
獨無臺上思寂寞守吾廬

酬光祿田卿末伏見寄

下伏秋期近還知扇漸疎
鷺鷥墜鄰果暴雨落江魚
貴寺雖同秩閒曹只管書
朝朝廊下食相庇在肴俎

酬薛奉禮見寄

栖栖滄海一耕人詔遣江邊作使君
山頂雨餘青到地

金匱要略卷之九
表九
濤頭風起白連雲詩成客見書牆和藥熟僧來就鼎分
珍重來章相借問芳名未識已曾聞

酬盧汀諫議

栗如流水帛如山依念倉邊語笑間篇什縱橫文案少
親朋撩亂吏人間杯觴引滿從衣濕牆壁書多任手頑
遥賀來年二三月綵衣先輩過春關

酬萬年張郎中見寄

貢籍常同府周行今一時諫曹誠已忝京邑豈相宜黑

髮年來盡滄江歸去遲何時得攜手林下靜吟詩

酬光祿田卿六韻見寄

以病辭朝謁迂疎種藥翁心彌

一作唯

念魚鳥詔遣理兵

戎遶戶旌旗影吹人鼓角風雲晴嵩岳頂樹老陝城宮
莅職才微薄歸山路未通名卿詩句峭誚我在關東

酬楊汝士尚書喜人移居

未得滄江外衰殘讀藥書聖朝優上秩仁里許閒居樹
對枝相接泉同井不疎酬章深自鄙欲寄復躊躇

酬田卿書齋即事見寄

幽齋琴思靜晚下紫宸朝舊隱同溪遠周行隔品遙
疎槐蟬唧唧疎竹雨蕭蕭不是相尋懶煩君舉酒瓢

酬張籍司業見寄

日日在心中青山青桂叢高人多愛靜歸路亦應同罷
吏方無病因僧欲解空新詩勞見問吟對一作向竹間風

謝汾州田大夫寄茸氍毹茵

筐封紫茵茵茵筒卷白茸毛臥煖身應健含消一作清齒免

勞衾衣疎不稱梨栗鄙難高曉起題詩報寒漸滿筆毫
牧杭州謝李太尉德裕

皇恩特許拜杭壇欲謝旌旄去就難偷擬白頭瞻畫戟
四神俱散髮毛寒

杏園宴上謝座主

得陪桃李植芳叢別感生成太昊功今日無言春雨後
似含冷涕謝東風

謝韜光上人

上方清淨無因住唯願他生得住持只恐無生復無我
不知何處更逢師

謝秦校書與無可上人見訪

道同無宿約三伏自從容
窻豁山侵座扇搖風下松
客吟多遶竹僧飯只憑鐘
向晚分歸路莓苔行跡重

喜胡遇至

窮居稀出入門戶滿塵埃
病少閒人問貧唯密友來
茅齋從掃破藥酒遣生開
多事經時別還愁不宿迴
就林

燒嫩筍遶樹揀香梅相對題新什
遲成舉罰杯

喜賈島至

布囊懸蹇驢千里到貧居
飲酒誰堪伴留詩自與書
愛眠知不醉省語似相疎
軍吏衣裳窄還應暗笑余

喜喻鳧至

欲出心還懶閒吟遶寢牀
道書蟲食盡酒律客偷將
愁至為多病貧來減得狂
見君何所似如熱得清涼

喜雍陶秋夜訪宿

曉立侍爐烟夜歸蓬華眠露華明菊上螢影滅燈前清
漏和碁疊栖禽與葉連高人來此宿為似在山巔

喜賈島雨中訪宿

雨裏難逢客閒吟不復眠蟲聲秋併起林色夜相連愛
酒此生裏趨朝未老前終須攜手去滄海棹魚船

喜馬戴冬夜見過期無可不至

客來初夜裏藥酒自開封老漸多歸思貧惟長病客苦
寒燈焰細近曉鼓一作漏聲重僧可還相捨深居閉古松

其二

內殿臣相命開樽話舊時
夜鐘催鳥絕積雪阻僧期
林靜寒聲遠天陰曙色遲
今宵復何夕鳴珮坐難隨

訪僧法通不遇

訪師師不遇禮佛佛無言
依舊將煩惱黃昏入宅門

夜期友生不至

忍寒停飯

一作酒

待君來酒作凌斯

一作冬凌

火作灰半夜出

門重立望月明先自下高臺

金少隱詩集卷九
尋僧不遇

入門愁自散不假見僧翁
花落煎茶水松生醒酒風
拂牀尋古畫拔刺看新叢
別有遊人見多疑住此中

姚少監詩集卷九

欽定四庫全書

姚少監詩集卷十

唐 姚合 撰

花木鳥獸器用哀挽雜詠五十七首

和李補闕曲江看蓮花

露荷迎曙發灼灼復田田
乍見神應駭頻來眼尚顛
光疑珠有蒂焰起火無烟
粉膩黃絲藥心重碧玉錢
日浮秋轉麗雨洒晚彌鮮
醉艷酣千朶愁紅思一川
綠莖扶

萼正翠韻滿房圓淡暈還殊衆繁英得自然高名猶不
厭上客去爭先景逸傾芳酒懷濃習綵牋海霞寧有態
蜀錦不成妍客至應消病僧來欲破禪曉多臨水立夜
只傍隄眠金似明沙渚燈疑宿浦船風驚叢乍密魚戲
影微偏穠彩燒晴霧殷姿纈碧泉畫工投粉筆宮女弃
花鈿鳥戀驚難起蜂偷困不前遠行香爛漫折贈意纏
綿誰計江南曲風流合管絃

和王郎中召看牡丹

葩疊萼相重燒欄復照空妍姿朝景裏醉艷晚烟中乍
怪霞臨砌還疑燭出籠遶行驚地亦移坐覺衣紅殷麗
開繁朶香濃發幾叢裁綃樣豈似染茜色寧同嫩畏人
看損鮮愁日炙融嬋娟涵宿露爛漫抵春風縱賞襟情
合閒吟景思通客來歸盡懶鶯戀語無窮萬物珍那比
千金買不充如今難更有縱有在仙宮

詠南池嘉蓮

芙蓉池裏葉田田一本雙花出碧泉濃澹共妍香各散

東西分艷蒂相連自知政術無他異縱是禎祥亦偶然
四野人聞皆盡喜爭來入郭看嘉蓮

種葦

欲種數莖葦出門來往頻近坡收本土選地問幽人靜
看唯思長初移未覺勻坐中尋竹客將去更逡巡

採松花

擬服松花無處學嵩陽道士忽相教今朝試上高枝採
不覺傾翻仙鶴巢

詠新菊

黃金色未足摘取且嘗新

一作新嘗

若待重陽日何曾異衆

人一作香

楊柳枝詞五首

黃金絲掛粉牆頭動似顛狂靜似愁遊客見時心自醉
無因得見謝家樓

葉葉如眉翠色濃黃鶯偏戀語從容橋邊陌上無人識
雨濕烟和思萬重

江上東西離別饒舊條折盡折新條亦知春色人將去
猶勝狂風取次飄

二月楊花觸處飛悠悠漠漠自東西謝家詠雪徒相比
吹落庭前便作泥

江亭楊柳折還垂月照深黃幾樹絲見說隋隄枯已盡
年年行客怪春遲

郡中冬夜聞蛩

秋蛩聲尚在切切起蒼苔久是忘情者今還有事來微

霜風稍靜圓月霧初開此思誰能遣應須執酒杯

聞新蟬寄李餘

年年六月蟬應到每到聞時骨欲驚今日槐花還似發
却愁聽盡更無聲

聞蟬寄賈島

未秋吟使苦半咽半隨風禪客心應亂愁人耳願聲一作

禪客聞心亂雨晴烟一作樹裏日晚古城中遠思應難

盡誰當與我同

題鶴雛

羽毛生未足

一作齊

嶮峭醜於鷄

一作每

夜穿籠出擣衣

砧上棲

詠鶯

春來深谷雪方消
鶯別寒林傍翠條
到處為憐烟景好
隔簾多愛語聲嬌
不同蜀魄啼殘月
唯逐天雞嘯詰朝
少婦聽時思舊曲
玉樓從此動雲韶

老馬

卧來扶不起唯向主人嘶惆悵東郊道秋來雨作泥

詠鏡

鑄為明鏡絕塵埃翡翠牕前掛玉臺繡帶共尋龍口出
菱花爭向匣中開孤光常見鸞蹤在分處還因鵲影迴
好是照身宜謝女嫦娥飛向月宮來

詠破屏風

時人嫌古畫倚壁不曾收露滴膠山斷風吹絹海秋殘
雲飛屋裏片水落牀頭尚勝凡花鳥君能補綴不

古碑

荒田一片石文字滿青苔不是逢閒客何人肯讀來

拾得古硯

僻性愛古物終歲求不獲昨朝得古硯黃河灘之側念此黃河中應有昔人宅宅亦作流水斯硯未變易波瀾所激觸背面生罅隙質狀朴且醜今人作不得捧持且驚歎不敢施筆墨或恐先聖人嘗用修六籍置之潔淨室一日三磨拭大喜豪貴嫌久長得保惜

裴大夫見過

湖南譙國盡英髦心事相期節義高
解下佩刀無所惜新聞天子付三刀

謝韜光上人贈百齡藤杖

衰病近來行少力光公乞我百齡藤
閒來杖此向何處過水緣山只訪僧

詠貴遊

貴遊多愛向春深到處香凝數里塵
紅杏花開連錦幃

綠楊陰合拂朱輪
鳳凰尊畔飛金盞
絲竹聲中醉玉人
日暮垂鞭共歸去
西園賓客附龍麟

窮邊詞二首

將軍作鎮古汧洲
水膩山春節氣柔
清夜滿城絲管散
行人不信是邊頭

箭利弓調四鎮兵
蕃人不敢近東行
沿邊千里渾無事
唯見平安火入城

劍氣詞三首

聖朝能用將破敵速如神掉劍龍纏臂開旗火滿身積

屍川有岸流血野無塵今日當場舞一作須應知是戰人

晝一作夜渡黃河水將軍險用師雪光一作聲偏著甲風力不

禁旗陣變龍蛇活軍雄鼓角知今朝重起舞記得戰酣

時

破虜行千里三軍意氣麤展旗遮日黑驅馬飲一作踏河

枯鄰境求兵畧皇恩索陣圖元和太平樂自古恐應無

從軍樂二首

每日尋兵籍經年別酒徒眼疼長不校肺病且還無僮僕驚衣窄親情覺語麤幾時得歸去依舊作山夫

朝朝十指痛唯署點兵符貧賤依前在顛狂一半無身慚山友棄膽賴酒杯扶誰道從軍樂年來鑷白鬚

敬宗皇帝挽詞三首

從諫停東幸垂衣寶歷昌漢昭登位少周代卜年長綵仗三清路麻衣萬國喪玄宮今一閉終古柏蒼蒼

晚色啓重扉旌旗路漸移荆山鼎成日湘浦竹斑時臣

子終身感山園七月期金莖看尚在承露復何為
紫陌起仙飈川原共寂寥靈輶萬國護儀殿百神朝漏
滴秋風路笳吟灞水橋微臣空感咽踊絕覺天遙

文宗皇帝挽詞三首

垂拱開成化愔愔雅樂全千官方就日四海忽無天堯
舜非傳子殷周但卜年聖功青史外刊石在陵前
代以無為理車書萬國同繼兄還付弟授聖悉推公雲
霧疑無日笳蕭別起風金莖難復見寒露落空中

龍歸攀不得，髯在侍臣邊。
徹奠新阡起，登山吉從全。
關河佳氣散，夷夏哭聲連。
寂寞玄宮閉，朝昏千萬年。

莊恪太子挽詞二首

曉漏啓嚴城，宮臣縞素行。
靈儀先鹵簿，新謚在銘旌。
雲晦郊原色，風連霰雪聲。
淒涼望苑路，春草即應生。

寒日青宮閉，玄堂渭水濱。
華夷牋乍絕，凶吉禮空新。
薤露歌連哭，泉扉夜作晨。
吹笙今一去，千古在逡巡。

哭費拾遺徵君

服儒師道旨糲食卧中林誰識先生事無身是本心空
山流水遠故國白雲深日夕誰來哭唯應猿鳥吟

哭硯山孫道士

脩短皆由命暗懷師出塵豈知修道者難免不亡身永
祕黃庭訣高懸漉酒巾可憐白犬子閒吠遠行人

哭賈島二首

白日西邊沒滄波東去流名雖千古在身已一生休豈
料文章遠那知瑞草秋曾聞有書劒應是別人收

杳杳黃泉下嗟君向此行有名傳後世無子過今生新
墓松三尺空堦月二更從今舊詩卷人覓寫應爭

楊給事師臯哭亡愛姬英英竊聞詩人多賦因而繼

和

真珠為土玉為塵未識遙聞鼻亦辛天上還應收至寶
世閒難得是佳人朱絲自斷虛銀燭紅粉潛銷冷繡裯
見說忘情唯有酒夕陽對酒更傷神

喜覽涇州盧侍御詩卷

新詩十九首麗

一作高

格出青冥得處神應該成時力盡

停正愁聞更喜沉醉見還醒自是天才健非關筆硯靈

喜覽裴中丞詩卷

新詩盈道路清韻似敲金調格江山峻功夫日月深蜀
牋方入寫越客始消吟後輩難知處朝朝枉用心

心懷霜

欲識為詩苦秋霜若在心神清方耿耿氣肅覺沈沈皓
素中方委嚴凝得更深依稀輕夕渚髣髴在寒林思勁

金天四庫全書
卷十
淒孤韻聲酸激冷吟還如飲冰士勵節望知音

聽僧雲端講經

無生深旨誠難解唯是師言得正真
遠近持齋來諦聽
酒坊魚市盡無人

臘日獵

健天結束執旌旗曉渡長江自合圍
野外狐狸搜得盡
天邊鴻雁射來稀
蒼鷹落日飢唯急
白馬平川走似飛
蜡節畋遊非為已
莫驚刺史夜深師

聞魏州賊破

生靈蘇息到元和上將功成自執戈
煙霧掃開尊北岳蛟龍斬斷淨南河
旗迴海眼軍容壯兵合天心殺氣多
從此四方無一事朝朝雨露是恩波

南一作黃

下第

枉為鄉里舉射鵠藝渾疎歸路羞人問
春城賃舍居閉門辭雜客開篋讀生書
以此投一作求知己還因勝自餘

得舍弟書

親戚多離散三年獨在城貧居深穩卧

一作睡

妙旨契莊

生舍弟有書至異鄉無地行悲歡相併起何處說心情

病僧

三年病不出苔蘚滿藤鞋倚壁看經坐聞鐘喫藥齋茶
烟燼殺竹簷雨滴穿堦無暇頻相訪秋風

一作來

寂寞懷

成名後留別從兄

一辭山舍廢躬耕無事悠悠住帝城為客衣裳多不穩
和人詩句固難精幾年秋賦唯知病昨日春闈偶有名

却出關東悲復喜歸尋弟妹別仁兄

佛舍見胡子有嘲

明明復夜夜胡子即成翁唯是真知性不來生滅中

太尉李德裕自城外拜辭後歸弊居瞻望音徽即

書一絕寄上

千騎紅旗不可攀水頭獨立暮方還家人怪我渾如病

罇酒休傾筆硯閒

姚少監詩集跋

唐書載合於姚崇傳中甚畧余按合乃宰相崇之曾孫
未詳其字元和十一年李逢吉知舉進士調武功主簿
世號姚武功又為富平萬年尉寶應中歷監察殿中御
史戶部員外郎出荆杭二州刺史為戶刑二部郎中諫
議大夫給事中陝號觀察使開成末終秘書監與馬戴
費冠卿殷堯藩張籍遊喜采僧詩如清教云香連雲舍
像雲容云木末上明星荊州僧云犬熟護隣房吟之不
輟李頻師之方玄英哭之云入室幾人為弟子為儒是

處哭先生仰止極矣隱湖毛晉識

天啟丁卯余梓極玄集乃姚武功取王維至戴叔倫二十餘人詩百首曰此詩家射雕手也遂願購其本集卒不可得偶閱緇林法語見移花兼蝶至買石得雲饒十字叱謂禪悟後語既讀主客圖方知出武功手繼從紀事又讀一日看除目終年損道心豈食烟火人能道隻字廣搜博訪十有餘年真所謂求之不得寤寐思服也迨崇禎壬午秋忽從錫籠中獲此本凡十卷蓋吾宗圖


記印抄宋刻豈武功有靈錫我百朋耶擊節欣賞三日
夜急授諸梓未知海內亦有如飢如渴如余者否但未
及招與公於臨頓里中亦用率更筆法與浪仙長吉媲美
洵一恨事晉又識

此浙本也川本編次稍異余向藏宋治平四年王頤石
刻武功縣中詩三十首詮次不同縣去京城遠一方拙
天然性二微官如馬足三縣僻仍寥落四簿書多不會
五曉鐘驚睡覺六自下青山路七性疎嘗愛卧八日出

方能起九客至皆相笑十一日看除目十一作吏荒城裏
十二誰念東山客十三隣里皆相愛十四窮達天應與十五閉門
風雨裏十六朝朝眉不展十七簿籍誰能問十八腥羶都不食
十九宦名渾不計二十假日都無事二十一一官無限日二十二朝朝
門不閉二十三欲依循循術二十四漫作容身計二十五主印三年坐
二十六長憶青山下二十七自知狂僻性二十八作吏渾無思二十九門外
青山路三十其字句差池夾注行間石本今已失去每咏
表聖亡書久似憶良朋之句為之泣然晉又識

予梓姚少監集十卷既成又閱唐文粹得新昌里一篇
又閱樂府詩集得出塞一篇深慨逸詩不知凡幾因附
載副葉新昌里舊客常樂坊井泉濁而鹹新居新昌里
井泉清而甘僮僕慣苦飲食美翻憎嫌朝朝忍飢行戚
戚如難堪中下無正性所習便淫耽一染不可變甚於
萬與藍近貧日益廉近富日益貪以此當自警慎勿信
邪讒出塞磧路三千里黃雲覆草平戰須移死地軍諱
殺降兵印馬秋遮虜蒸沙夜築城故鄉歸未得都尉欠

功名晉又識



姚少監詩集卷十